

استدینا

نومرو ۲۴

بخشیه

۲۶ شباط ۱۳۲۴

مدنیت حاضرہ نك موضوعات كاذبه سی

مانہ ، تمہل ، فارہس

۳

پورادہ بر سؤال وارد اولور : بو تابلو ، یالکز حال حاضر می تصویر ایدیور؟ یوقہ بتون ادوار سالفہ بدہ تطبیق ایدیله بیلیر می ؟

روما شاعرینک دیدیکی کی «چکش زمانلرک مدحیہ خوانی» اولمقدن چوق اوزاغم . اسکی بردور ذہبہ قانع دگم . انسانلر . شہہ سزکہ ، دائماً اضطراب چکمشلر ، دائماً ناشاد و بدبخت اولمشلردر . بدینلک فیزیولوژیک بر اساسی وارد و عضویتک طرز تشکیلندہ بر مقدار رنج و مشقت مند مجدر . کندی «أنا» Moi مزى ، بنلکمزى بیلہ آنجق اضطراب چکدیکمز ایچون مدرک اولیورز . بو «أنا» ، بزہ ، حدودینی حس ایتدیکمز زمان منکشف اولور . بو حسدہ ، منحصرأ ، «أنامز» خارجندہ موجود شیلر ایله آز ، چوق مؤذی بر تصادفک محصولیدر .

ایشته بو وجهلہ درک انسان ، قاراقق بر اوطہدہ دیوارلرک موجودیتنی یالکز اوکا چارمقلہ آکلار . بشر ، اضطراب مقابلندہ مدرک بالنفس اولور و ذات ایله غیر بینندہ کی تعارض ، بر فحرت دائماً صورتندہ نمایان بولنور .

اگر بشریتک دائماً مضطرب^{۱۱} و مشتکی اولدینی و هر زمان آرزو ایله تملک ، خیال ایله حقیقت آرمسندہ الیم بر مبانیت حس ایتدیکی طوغری ایسہ انسانلردہ کی تمونیتسزلکک هیچ بر وقت بو کونکی قدر درین وعمومی اولمادینی و بو قدر متنوع سببلرلہ ، بو قدر اساسی اشکال ایله تظاهر ایتدیکی دہ اودرجہ صحیحدر . تاریخک هر هانکی دورہ سنہ ارجاع نظر ایدیلورسہ ایدلسون ، فرقه منازعہ لرندن ، اختلالاردن بحث ایدلدیکی کوریلور . وهله اولادہ بونک سبب یکانہ سی بعض رؤسانک حرص خودکامانہ سندن عبارت اولدیغنه و اونلرک قوتی تشکیل ایدن عوام اہالینک ، اساسہ کلیاً بیکانہ بولندیغنه ذهاب حاصل اولہ بیلیر .

لكن ظن ايتم كه بو حرركات رؤسا به موافق اولسون. فرقه لر ، بر قسم خلقك تمايلات مهمه سنه ترجمان اولديني ظن ايديان كله امر به لر اظرافنده تشكّل و تجمع ايدر لر.

ارباب صناعتك صو ، بخار ، روزگار قوتى قوللاندني كې بر حرص خودكام ، احتراصات عوامى ، منافع ذآيه سنه خادم قيلارسه انجق تمايلات مهمه و عموميه يي موقع فعله چيقارمق ايتيور كې كورونك صورتيله مقصدينه ايريشه بيلير . بر حال انجون ، جزئى و اساس اعتباريله مغفل بر تسلى اميديله ، يو كنى بر اوموزدن ديكر اوموزينه كچيرمك نه ايسه ، بر قوم انجون ده فرقه منازعه لرى اودر .

اختلال لر ، تمايلات ناسى موقع فعله چيقارمغه منجر اولان داخلي فسادلردر . بونلر ، اصلا اختيارى دكلدر . درجه حرارت اختلافندن متحصّل كشتافت فرقلرى آره سنده تأسيس موازنت ايدن قاصرغه كې بر قانون طبيعى نتيجه سيدر . هر نه زمان كه خلقك آرزولرى ايله حادثات حقيقيه آره سنده كى سويه فرقى يك بيوك اولورسه بالضروره بر اختلال ظهور ايدر . قواى متأسسه حكومت ، اختلاله بر مدت صنئى برسد چكه بيلسه دخى اونى منعه و فوق اولاماز . تاريخك بتون شهادتى آره سنده بالخاصه اختلاللردر كه ، شدت ، وسعت و نتيجه لريله ، فاعللريك عدم ممنونيتى درجه سنى ، اسبابى امنيتله محاكه ايتمكلكمز مدار اولور . بو صوك زمانلره قدر تاريخك ذكر ايتمديكى اختلاللرك كافه سى ، بالنسبه محدود بر ساحه به مالك ايدى و محدود بر طاقم وقايع تحمّل فرسا به تعلق ايدىوردى . اسكى روماجهوريتى سياست داخله سنك اساسى ، (پله به ين) لرك (پاتريسيه) لره ؛ كروه آحادك زمره اعيانه قارشى مجادله سى ايدى . جماعات عوامك (قائيلينا) و (غراق) لره تشخص ايدن تمايلاتى نه ايدى ؛ اونلر ، ملكيت ارضيه دن حصه مشروعه لر نى ايتيور لر ، امور دولت حقنده رأى ويرمك آرزو ايدى و لرلردى . جمهوريت قديمده هر فرد وطن (citoyen) ، سياسى بر مربوطيت متقابله solidarité politique ايله آندن متولد حقوق و وظائف حقنده يك قوى بر حسه مالكدى .

منفرد قالنجہ ہر شخص، کندیسٹک ادنیٰ برجزؤدن باشقہ برشی اولمادیغنی
 حس ایدیوردی. او، آنجق، دور جرح سیاستک برجزؤ لازمی صفتیلہ موقع
 حقیقیسی اکتساب ایتدیکی زمان کندی نظرندہ بر (کل)، برہپ اولوویریوردی.
 رومادہ عوام، یعنی (plébèien)، کندیسٹی بر زنکین عائلہ تک بغیر حق محقور
 ومیراندن محروم ایدلمش بر کوچک اوغلی عد ایدیور، سقرہ بدردہکی موقعی،
 مجلس عائلہدہکی رأیی اکتساب ایچون مبارزہ ایلوردی. او زمانک اصول
 اجتماعیه و سیاسیه سی علمینہ قیام ایتک، خاطر وخیالنه بیلہ گلہ مشیدی. او، اصول
 اجتماعیه و سیاسیه دن ممنون و آکاشوق ایلہ منقاد ایدی. (پاتریسین) لری شرافت
 ولادہ لرندن طولای تقدير ایدیور واونلرک نہ معبد الہی دہ نائل اولدقلری
 احترامات ارثیہ، نہدہ مرتبہ رفیعہ لرینک آثار خارجیه سنہ حسد ایتیوردی.
 تصادف خلقت، کندیسٹی سلسلہ مراتب اجتماعیه و اقتصادیه تک هانکی درجہ سنہ
 وضع ایتش ایسہ او موقعی خشنودی ایلہ اشغال ایلور، شووالیہ لرہ، سناتو
 اعضا لرینہ حرمتلہ رفع نکاہ ایتدیکی کبی تماماً ویا قسماً تحت اسارتدہ بولونانلرہ،
 اسیرلر ایلہ آزادلیلرہ قارشی کندی رتبہ حیثیتی مدرک بر نظرلہ باقیوردی.

جمهوریتک ایمپراطورلغہ انقلابی دورہ شورشنا کندہ اکثریتلہ عصیان ایدن
 و حیاتلرینی مدہش و خونریزانہ مصادمہ لرده فدا ایتک صورتیلہ او وقتکی ترتیب
 اجتماعی علمینہ قیام ایلہ ن اسیرلرک عدم ممنونیتی دہا درین ایدی. (اسپارتاکوس) [*] ک
 آبدہ شخصیتک ذی حیات قدمہ سی، قاعدہ سستی تشکیل ایدن بو کتلات عوام
 ایچندہ، ایلک دفعہ اولہرق، مفترس بر شہنہک آلامنی کوروریز. او شہہ:
 «عجبا موجود اولان شیلرک جملہ سی، شمدی ناصل ایسہ، حقیقہً اولہمی اولق
 لازم کلیر؟» سؤانندن عبارتدر.

معبد و مزارلرک اسکی دیوار رسملرینک، بوکلرینی سوروکلیہ رک ساکت

[*] (اسپارتاکوس)، رومادہ عصیان ایدن اسراٹک رئیس ایدی. روما عسکرینہ
 ایی سنہ مقاومتدن صکرہ (۷۱) تاریخنہ اتلاف ایدلدی. نامی، بردنبرہ مواعی قیران
 اعتسافیدہ لرک مشخصی اولمشدر.

و غم آلود، اوزون قافله لر طرزنده کوستردیکی مصریلرده ده بو شهمنک آنارینه
تصادف اولونمور . وقتيله صنوف اجتماعیه ربه سنه عصرلرجه صبر ایتدیکی کبی
بو کونده انکلیز لک بو یوندوروغنه سکوت ایله تحمل ایدن ایکی یوز ملیون
هندلی ده عین شهمنک اشکنجه لرندن بی خبر کورونیور .

(اسپارنا کوس) ک طرفدارلری بیله — معنای حاضر یله — نه رادیقال ،
نه بدین ایدیلر . اونلر ، اوکندیره نی طوتانه قارشى دکل ، اوکندیره یه قارشى
عصیان ایدیورلردی . حدتلی ، نظام و ترتیب عالمه دکل ، اوعلده کندیلرینک
اشغال ایتدکاری موقعه عاند ایدی .

اونلر ، عقل واراده ایله متسفف اولان مخلوقاته حیوان و جادات کبی ،
عادی برمال کبی معامله ایدلسنی عقل بشرک قبول ایده میه جکفی اکلا یورلرمی
ایدی؟ هیچ بروجمله . بونیز ، اسارتک موجودیتی قبول ایدیورلردی . فقط
کندیلری اسیر اولمق ایسته میورلردی . اونلرک غایه املی ، بر شکل غیر معقول
اجتماعینک انعاسی دکل ، بر تبذیل وظیفه دن عبارت ایدی . بویله اختلالخیلر
قولای ارضا ایدیله بیلیردی . احراز موقفیت ایتش اولسه ایدیلر ، بوامیدسنلر ،
نمون آدملر اوله جق ، بوعاصیلر ، جمعیتک معین وظهیری حالنه کله جک ایدی .
قرون وسطانک حرکات عظیمه سی ده اعقیق بر معنایی حازدر . (ایقونوقلاست
= صنمشکن) لک تخریباتی ، اهل صلیب مهاجماتی ، (وودووا) و (آلیژووا) لک
تعصبلری ، روحلرک تحرک و خیمفی افشا ایدر . شرقده کی ارض اساطیرینک
جاذبه اسرار انگیزی ، قابا فکرلر اوزرنده قدرت مغفلا نه سنی اجرا ایده مز .
مکرکه بوفکرلر ، شرائط روزمره حیاتیله لرینی تعدیل آرزوی مهمیله تحریک
ایدلش اولسون .

اوروپادن ، کندیلرینه نامعلوم براوجوروم کبی کورینن بلاد فلسطینه طوغری
شتاب ایدن یوزبیکلرجه انسانک رهبری ، لوای صلیبدن زیاده ، اوکلرنده یورون
وجهله سی طرفندن دیده روح ایله کوریلن بر سحاب صنیادار معنوی ایدی .
بو رهبر ، برغایه خیالیله اولمش ایدی . شهمنرکه بختیار بر آدم ، مرقد مقدس

عیسایه طوغری یولالتمق ایچون سعادت یتیه سنی ترک ایتمزدی. یالکز، مقدراتنک صلاحنه محتاج اولانلر، بویله حرکت ایدردی.

احمد صلاح الدین

اجتماع — ازدحام — قلوب

۲

۱۲ شباط بیاننامه سنک نواقص قانونیه سی

ماهیه و حکماً ایری ایری شیر اولان ازدحام ایله جمعیت تعبیرلرینک یکدیگری مقامنده قوللانیلمسی قوانین خصوصیه مزده بونلرک تعریفلری مفقود بولنسندن ایرلی گلش اولسه کرکدر.

احکام موضوعه قانونیه و یارس محکمه استینافیه سندن ۱۴ شباط ۱۸۳۵ تاریخنده صادر اولان قراره نظراً «جمعیت association منافع مشترکه معینه سی استحصال ایچون تعهدات متقابله ایله بربرینه مربوط اشخاصک اجتماعی» صورتنده توضیح اولتمق اقتضا ایدر.

تجمع، ازدحام *rassemblement, attroupement* ایسه اولیابده کی نظامنامه ایله مأخذی اولان فرانسه نك ۲۷ تموز و ۵ آغستوس ۱۷۹۱ نظامنامه لری احکامنه و مشهور فوستن هلی *Faustin Hélie* و دالوز *Dalloz* فکرینه کوره: «حکومت و اداره و اشخاصک احوال و حرکاتی حقنده کی حسیات و پسناتی ابراز و افهام ایلمک مقصیده طویلانان اشخاص» صورتنده تفسیر اولتمق اقتضا ایدر.

بزده ۱۳ شباط ۱۳۲۴ تاریخی بیاننامه دن بشقه حق اجتماعی *droit de réunion*

تعین و تحدید ایدن نظام یوقدر. بوبیاننامه ایله تحدید ایدیلاان اجتماع: اجتماع عادی می *réunion* یوقسه اجتماع فاسد و مضری *rassemblement séditieux* در؛ شوجه تی تعین ایلمک الزمدر بیاننامه مذکورک سبک و ربطندن و معنای عمومیه سندن مستفاد اولیورکه واضع قانون ظاهر آ اجتماع عادی شکنده فقط ماهیه فاسد، مضر